

CONSELLERÍA DE AGRICULTURA, GANDERÍA E MONTES**Jurado Provincial de Montes Vecinales en Mano Común**

Edificio Administrativo de Servicios Múltiples - Monelos - A CORUÑA - Tfno. 29 00 00

Data 16/12/1996	Referencia Exp. 336	Destinatario
Asunto Resolución de expediente de calificación de monte veciñal en man común		Sr. Xefe do Servizo de Montes e I.F.

Aos efectos oportunos poño no seu coñecemento a Resolución do expediente de calificación nº 336 do monte "Cabral ou Baíñas", dos lugares de Baíñas e Val, parroquia de Baíñas, concello de Vimianzo, segundo o acordo deste Xurado na súa reunión de data 16 de decembro de 1996:

"Reunido con data 16 de decembro de 1996 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu Núñez, con asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Federico Sánchez Rodríguez, Xefe do Servizo de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta e incorporado ao Xurado pola xubilación de D. Ramón Olano Calleja, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común e do Secretario D. Manuel Puente Araújo, Letrado da citada Delegación, para estudar e resolve-lo

Expediente nº 336
Monte: Cabral ou Baíñas
Lugares: Baíñas e Val
Parroquia: Baíñas
Concello: Vimianzo

ANTECEDENTES DE FEITO.-

1º. Diversos veciños dos lugares de Baíñas e Val, parroquia de Baíñas, concello de Vimianzo, solicitaron con data 11/09/1995 deste Xurado, a declaración como veciñal do expresado lugar, do monte arriba citado e que ten as seguintes características:



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfnos. 18 59 02 - 18 59 03

Superficie: 183,55 Ha.
Lindeiros:

NORTE: Propiedades particulares de Jesús Maceiras, Faustino Hermida e Celestino Villar. Propiedades particulares de Celestino Villar e outros, das que o separa a estrada de Muxía a Santiago. Propiedades particulares de Francisco Calo e outros. Estrada de Muxía a Santiago. Propiedades particulares de Antonio Calo e outros. Estrada de Muxía a Santiago que o separa de propiedades particulares de María Pérez e outros. Propiedades particulares de Francisco Hermida e outros.

LESTE: Estrada de Muxía a Vimianzo e de Muxía a Santiago. Propiedades particulares de Manuel Tomé e outros.

SUR: Propiedades particulares de Andrés Fernández e outros. Monte "Baíñas".

OESTE: Termo do concello de Dumbría.

20. A vista de tal solicitude, o Xurado, na súa reunión de 26/02/1996, acordou iniciar-lo oportuno expediente nomeándose como Instructor do mesmo a D. Ramón Olano Calleja, quen aceptou expresamente dito cargo. Procedéuse á correspondente tramitación, librándose mandamento para a anotación preventiva no Rexistro da Propiedade de Corcubión, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Vimianzo, ao Xefe do Servicio de Montes e I.F. e publicándose edictos no D.O.G. (nº 156 de 09/08/1996), taboleiro de anuncios do Concello e lugares de costume.

30. Os veciños de Baíñas e Val fundamentan a súa petición perante o Xurado Provincial de Montes Veciñais en Man Común no aproveitamento e pertenza en réxime de comunidade e sin adscrición de cotas, desde tempos inmemoriais, do monte correspondente a dito lugar. Para acreditar dita condición de veciñal aportan escrituras de redención de foro, do ano 1927, autorizadas polo entón notario de Vimianzo D. José Sanmartín Domínguez.

40. Ante o presente expediente formuláronse por Dª Dolores Grille Pose e outros, e por Dª María Ramos Lavandeira, sendas alegacións referidas á súa condición de comuneiros do citado monte, e solicitando ser parte interesada no expediente de clasificación. Ambos escritos incorporáronse ao expediente.



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

50. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89 de 10 de outubro de Montes Veciñais en Man Común, e o seu Regulamento de aplicación aprobado polo Decreto 260/92 de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables ao caso.

Celebrada sesión o día de hoxe, á que se citaron en legal forma tódolos interesados no expediente, non compareceu ningunha das partes.

FUNDAMENTOS DE DEREITO.-

VISTOS os antecedentes expostos, procede formular as consideracións seguintes.

10. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos artgs. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

20. De conformidade co contido do artg. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Baíñas e Val, parroquia de Baíñas, concello de Vimianzo, son parte lexítima para solicita-la iniciación do presente expediente de calificación.

30. As alegacións presentadas por D^a Dolores Grille Pose e outros, e D^a María Ramos Lavandeira, non son competencia deste Xurado, pois o recoñecemento da condición de comuneiros do monte deberá establecelas no seu día a Asamblea Xeral da Comunidade, e no seu defecto os Tribunais Ordinarios.

40. Para a súa calificación como veciñal en man común o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asignación



CONSELLERIA DE AGRICULTURA, GANDERIA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (artgs. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

5º. Das actuacións obrantes no expediente, e en especial da comprobación do que se expresa no 4º punto, se deduce de forma indiscutible que no presente caso nos encontramos cun monte pertencente á Comunidade Veciñal dos lugares de Baíñas e Val, parroquia de Baíñas, no que se cumpren os aludidos requisitos.

Por iso, éste Xurado á vista dos antecedentes e Fundamentos de Dereito expostos, nesta data,

ACORDA calificar como Monte Veciñal en Man Común da Comunidade Veciñal dos lugares de Baíñas e Val, parroquia de Baíñas, concello de Vimianzo, o denominado Monte "Cabral ou Baíñas", cos lindeiros, superficie e características que figuran no primeiro antecedente. Asimesmo acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña".

Contra a presente Resolución poderase interpoñer Recurso Contencioso-Administrativo no prazo de DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de Procedemento Administrativo.

A Coruña, 16 de decembro de 1996

VO e Pr.
O PRESIDENTE DO XURADO,

O SECRETARIO DO XURADO,

Asdo. Rogelio Aramburu Núñez

Asdo. Manuel Puente Araújo



PLANO: MONTE VECINAL DE BAÑAS

Escala Aprox: 1:2.000

Sup. Aprox: 183 Has. 50 as. 55 cas. (P-1+P-2)

P-1 P-2

P-1 P-2

PLANO: MONTE VECINAL DE BAÑAS

Escala Aprox: 1:2.000

N

